

**-UPRAVNI ODBOR-**

Broj: 02-53-2/20

Sarajevo, 03. 12. 2020. godine

Na osnovu člana 129. Zakona o visokom obrazovanju („Sl. novine Kantona Sarajevo“, broj: 33/17, 35/20 i 40/20), člana 55. Statuta Univerziteta u Sarajevu, a u članom 4. stav (4) Pravilnika o upravljanju projektima na Univerzitetu u Sarajevu i člana 36. stav (1) Poslovnika o radu Upravnog odbora Univerziteta u Sarajevu, Upravni odbor Univerziteta u Sarajevu, na 32. elektronskoj sjednici održanoj dana 03. 11. 2020. godine, donio je *s l j e d e ć u*

**ODLUKU****I**

Daje se saglasnost na zaključivanje Ugovora o grantu za akciju sa višestrukim korisnicima broj: 618089-EPP-1-2020-1-BA-EPPKA2-CBHE-JP, između Izvršne agencije za obrazovanje i audiovizuelnu kulturu Evropske unije (EACEA) iz Brisela (EU), koju predstavlja direktor jedinice Erasmus+: Visoko obrazovanje – Međunarodna izgradnja kapaciteta gosp. Ralf Rahders i Univerziteta u Sarajevu, kao koordinatora projekta, kojeg predstavlja rektor prof. dr. Rifat Škrijelj.

**II**

Ovlašćuje se rektor Univerziteta u Sarajevu za implementaciju Ugovora, navedenog u tački I ove odluke, putem organizacione jedinice Farmaceutskog fakulteta Univerziteta u Sarajevu, uz obavezu kvartalnog izvještavanja Upravnog odbora Univerziteta u Sarajevu o implementaciji Ugovora.

**III**

Sredstva za finansiranje projekta utvrđena su Budžetom projekta i realiziraju se pod uslovima i na osnovu potpisanog Ugovora.

Sredstva koja su Budžetom projekta planirana za Univerzitet u Sarajevu, unijet će se u Finansijski plan Univerziteta u Sarajevu.

**IV**

Za realizaciju ove odluke zadužuje se Univerzitet u Sarajevu i Farmaceutski fakultet Univerziteta u Sarajevu.

**V**

Ova odluka stupa na snagu danom donošenja.

***Obrazloženje***

Upravnom odboru Univerziteta u Sarajevu je od strane Farmaceutskog fakulteta Univerziteta u Sarajevu, posredstvom Centra za istraživanje i razvoj Univerziteta u Sarajevu, dostavljen Zahtjev za davanje saglasnosti za zaključivanje Ugovora o grantu za akciju sa višestrukim korisnicima u okviru programa Erasmus+ u kojem se Univerzitet javlja u ulozi koordinatora projekta pod nazivom „*Innovating quality assessment tools for pharmacy studies in Bosnia and Herzegovina*“

– Inoviranje alata za procjenu kvalitete studija farmacije Bosni i Hercegovini (IQPharm)“, sa pratećom dokumentacijom broj: 0101-11893/20 od 27. 11. 2020. godine. Predmetnim zahtjevom traži se saglasnost na zaključivanje Ugovora o grantu za akciju sa višestrukim korisnicima broj: 618089-EPP-1-2020-1-BA-EPPKA2-CBHE-JP, između Izvršne agencije za obrazovanje i audiovizuelnu kulturu Evropske unije (EACEA) iz Brisela (EU), koju predstavlja direktor jedinice Erasmus+: Visoko obrazovanje – Međunarodna izgradnja kapaciteta gosp. Ralf Rahders i Univerziteta u Sarajevu, kao koordinatora projekta, kojeg predstavlja rektor prof. dr. Rifat Škrijelj.

Koordinator projekta (Leading partner) je Univerzitet u Sarajevu, koji će projekt provoditi putem svoje članice Farmaceutskog fakulteta Univerziteta u Sarajevu. Projekt provodi konzorcij od osam (8) partnera i to: Univerzitet u Sarajevu, BiH, koordinator, Univerzitet u Tuzli, BiH, partner/korisnik, Univerzitet u Mostaru, BiH, partner/korisnik, Univerzitet u Novom Sadu, R. Srbija, partner/korisnik, Univerzitet u Splitu, R. Hrvatska, partner/korisnik, G. d'Annunzio „University of Chieti-Pescara, R. Italija, partner/korisnik, University of Dablin, Trinity College Dublin, Irska, partner/korisnik. Period trajanja projekta je tri podine, počevši od 15. 01. 2021. do 14. 01. 2024. godine. Ukupan budžet projekta iznosi 797.542,00 eura.

Imajući u vidu da je vrijednost predmetnog ugovora veća od 100.000 KM, Upravni odbor je donio odluku kao u dispozitivu.

**PREDSJEDNIK  
UPRAVNOG ODBORA**

*Dr. sc. Murat Ramadanović*



Dostaviti:

- Rektor UNSA
- Dekanu Farmaceutskog fakulteta UNSA
- ☉ Predsjedniku i članovima UO UNSA
- Internom revizoru
- Generalnom sekretaru
- Centru za istraživanje i razvoj UNSA
- Službi za NIR UNSA
- Službi za računovodstvo i finansije UNSA
- U dokumentaciju Upravnog odbora UNSA
- a/a

---

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina  
Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>  
[email: javnost@unsa.ba](mailto:javnost@unsa.ba)